



JABATAN PERKHIDMATAN AWAM NEGERI
Aras 12-14, Blok A
Pusat Pentadbiran Negeri Sabah
Jalan Sulaman, Teluk Likas,
88400 KOTA KINABALU
Tel.: 088-368600, 368601



Bil. JPAN:700-2/1 Jld.4 (100)

14 Oktober 2021

Semua Setiausaha Tetap Kementerian Negeri
Semua Ketua Jabatan Negeri
Semua Pihak Berkuasa Berkanun Negeri
Semua Pihak Berkuasa Tempatan Negeri
Semua Pegawai Daerah
Semua Penolong Pegawai Daerah, Daerah Kecil

Yang Berbahagia Datuk / Tuan / Puan

**PENAMBAHBAIKAN PEMBIAYAAN KOS UJIAN SARINGAN COVID-19 BAGI
PEGAWAI PERKHIDMATAN AWAM NEGERI SABAH**

Perkara di atas dirujuk.

2. Sepertimana YBhg. Datuk/ Tuan/ Puan sedia maklum, Kerajaan Negeri telah bersetuju untuk memberikan subsidi kepada pegawai awam Negeri melalui Pekeliling Perkhidmatan Negeri Sabah Bil.1/ 2021- Subsidi Ujian Saringan COVID-19 Bagi Pegawai Perkhidmatan Awam Negeri Sabah.

3. Dalam tempoh pelaksanaan ini, pihak Kerajaan Negeri telah mengenal pasti isu dan permintaan berhubung dengan prosedur pembayaran dan kadar yang telah ditetapkan. Oleh yang demikian, Kerajaan Negeri bersetuju untuk menambah baik prosedur permohonan, pembayaran kos ujian saringan COVID-19 dan pilihan kaedah saringan berdasarkan keadaan semasa.

2/...

“SABAH MAJU JAYA”

Prosedur Permohonan

4. Perenggan 5 Pekeliling Perkhidmatan Negeri Sabah Bil.1/2021-Subsidi Ujian Saringan COVID-19 Bagi Pegawai Perkhidmatan Awam Negeri Sabah menetapkan bahawa permohonan hendaklah dibuat secara “Tuntutan dan Bayaran” dan dikemukakan ke Jabatan Perkhidmatan Awam Negeri untuk kelulusan. Pembayaran akan ditanggung di bawah peruntukan sedia ada di Kementerian Kewangan. Walau bagaimanapun, selaras dengan permintaan Kementerian/ Jabatan / Agensi yang bersetuju untuk membayar menggunakan peruntukan jabatan masing-masing, kerajaan Negeri bersetuju untuk menambah prosedur seperti berikut:

- i. Kementerian/ Jabatan/ Agensi boleh memilih untuk membayar kos ujian saringan COVID-19 menggunakan peruntukan jabatan masing-masing dengan kadar penuh mengikut resit atau bukti pembayaran dan dibuat melalui borang seperti dalam **LAMPIRAN B**.
- ii. Permohonan tuntutan bagi kategori ini tidak perlu dikemukakan ke Jabatan Perkhidmatan Awam Negeri untuk kelulusan dan tidak tertakluk dengan syarat pada Perenggan 11 (i)- Pekeliling Perkhidmatan Negeri Sabah Bil.1/2021
- iii. Walau bagaimanapun, syarat dan prosedur yang telah ditetapkan melalui Pekeliling Perkhidmatan Negeri Sabah Bil.1/2021 adalah terpakai kepada agensi yang tidak memilih untuk menggunakan peruntukan sendiri.

Kaedah Saringan

5. Selain daripada kaedah *RT-PCR* dan *RTK-Antigen*, Kementerian Kesihatan (KKM) telah memperkenalkan Kit Ujian Kendiri (*COVID-19 Self-Test Kit*) melalui air liur. Sehubungan dengan itu, Kerajaan Negeri menyarankan dan menggalakkan penggunaan kaedah saringan tersebut bagi pengesanan kes yang cepat dan mudah.

6. Setiap Kementerian/ Jabatan / Agensi hendaklah menyediakan Kit-Ujian-Kendiri (*COVID-19 Self-Test Kit*) yang diiktiraf oleh Kementerian Kesihatan (KKM) di agensi masing-masing.
7. Kos pembelian adalah di bawah tanggungjawab Kementerian / Jabatan atau agensi masing-masing menggunakan peruntukan sedia ada. Ketua Jabatan adalah bertanggungjawab untuk menyediakan peruntukan bagi pembelian keperluan tersebut.

Kemudahan Lain Berkenaan Pencegahan Penyakit Berjangkit

8. Ketua Jabatan boleh menyediakan kemudahan-kemudahan lain berkaitan pencegahan penyakit berjangkit COVID-19 dari semasa ke semasa yang disarankan dan diiktiraf oleh Kementerian Kesihatan Malaysia (KKM).

Peraturan bagi pegawai yang menjalankan tugas rasmi di luar stesen / Negeri / Negara

9. Kos ujian saringan sebagai syarat perjalanan/ penerbangan bagi pegawai yang diarah untuk menjalani tugas rasmi hendaklah dibayar dengan peruntukan sedia ada oleh agensi masing-masing mengikut kadar dalam resit yang dikemukakan dan termasuk dalam tuntutan elauan semasa bertugas rasmi. Ujian saringan boleh dilaksanakan di mana-mana hospital atau klinik kerajaan dan swasta yang berdaftar di bawah Kementerian Kesihatan Malaysia (KKM).

Pembatalan

10. Dengan berkuatkuasanya Surat Edaran ini, **Perenggan 14**, Pekeliling Perkhidmatan Negeri Sabah Bil.1/2021- Subsidi Ujian Saringan COVID-19 Bagi Pegawai Perkhidmatan Awam Negeri Sabah adalah dibatalkan.

Pemakaian

11. Surat Edaran ini berkuatkuasa mulai dari tarikh ia dikeluarkan dan perlu dibaca bersama-sama dengan Pekeliling Perkhidmatan Negeri Sabah Bil.1/2021- Subsidi Ujian Saringan COVID-19 Bagi Pegawai Perkhidmatan Awam Negeri Sabah.
12. Tertakluk kepada penerimaannya oleh pihak berkuasa masing-masing, Surat Edaran ini pada keseluruhannya dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.
13. Perhatian dan kerjasama pihak Yang Berbahagia Datuk / Tuan / Puan mengenai perkara ini adalah dihargai.

Sekian, terima kasih

“BERKHIDMAT UNTUK NEGARA”



(DATUK (DATU) ROSMADI BIN DATU SULAI, JP)

Ketua Pengarah Perkhidmatan Awam Negeri

Tarikh: 14 OCT 2021

s.k.: Setiausaha Tetap
Kementerian Kewangan Negeri Sabah
Blok C, Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU

Bendahari Negeri
Jabatan Bendahari Negeri Sabah
Level 8, 9, 10 dan 11, Blok A
Pusat Pentadbiran Negeri Sabah
Jalan Teluk Likas, Tanjung Lipat
88400 KOTA KINABALU

Diedarkan kepada : Semua Setiausaha Tetap Kementerian Negeri
Semua Ketua Jabatan Negeri
Semua Pihak Berkuasa Berkanun Negeri
Semua Pihak Berkuasa Tempatan Negeri
Semua Pegawai Daerah
Semua Penolong Pegawai Daerah, Daerah Kecil

LAMPIRAN B

BORANG PERMOHONAN TUNTUTAN UJIAN SARINGAN COVID-19
(dikemukakan dalam 3 salinan)

SEKSYEN A (Maklumat Pegawai)

1. Nama :
2. No. Kad Pengenalan :
3. Taraf lantikan :
4. Jawatan :
5. Sebab-sebab saringan diperlukan :

Tarikh :

Tandatangan Pemohon

SEKSYEN B (Perakuan Ketua Jabatan)

Saya memperakui bahawa penama di atas layak untuk mendapat subsidi ujian saringan COVID-19 di hospital / klinik
berdasarkan justifikasi yang diberikan.

Tarikh :
Tandatangan Ketua Jabatan

Ruj. Jabatan : Nama :
Jabatan :